

Vun drusse us Thielenbruch kummen ich her,  
beim Neno Pirate am Fiere wör.  
Da mod ich denne Pirate  
jet verzälle vun joodde und schlächte Tate.  
Sie däte sich jood präsentiere  
beim Ottmar uns kölsche Mess ze fiere.  
Ne Rick staatse Käls un lecker Mädche  
woren in den Kirchenlädche.  
Sie däten singe su herrlich im fingk  
wie die Glocke vum Dom bei us he am Ring.  
Beim Kajuja wor ne ördentliche Püngel,  
se woren metten im Dellbröcker Klüngel.  
Dä Linus hät se schwer bejeistert,  
manch einer hät sich zujekleistert.  
Kamelle packen, et Scheff belade,  
es denne Pirate jood gerate.  
Des donnerstaachs weed sich getroffe,  
et wed geschwad, gesunge, gesoffe.  
Stadtanzeiger, ahl Wiever besunge,  
de Klage vun Kopping durch Dellbröck klunge.  
Och hät mancher en Erinnerungslück -  
dat gehürt zum Wieverfastelovendsglück.  
Dä Fridaach plätscherte still für sich hin,  
Samstaachs öm Schulhoff woren se mitten drin.  
Do wood bedeent un ördentlich gezapp,  
dies Johr wurd denne dat Kölsch jet knapp.  
Se möhten sich liehnen vom Nohbar manch Fass,  
ne drüge Pirate es jet för de Katz.  
Om Sondaach zogen se durch Holwig,  
danach ze fiere bliev ihne vill Zick.  
Ne ördentliche Püngel des Mondaachs om Zoch  
se hatte ze müffele un drenke jenoach.  
Met stolzer Brus un en ördentlicher Reih  
woren se dienstaachs beim Zoch mit dabei.  
Ne Schelm, dä denk, de Rick wör richtig,  
doch finden ich dä Reim is wichtig.  
Se däten werfe Kamelle un Strüsjer vill,  
ne feste Nummer em Dellbröcker Fastelovendsspill.  
Dä Knubbel is en herrliche Prach,  
de Dellbröcker bejubele dat Schiff un de Trach.  
Nohm Zoch fehlte dat Panz vun dem Klös,  
da Klös un Pirate wurde nervös.  
Och wenn dem Klös word richtig bange,  
et hät noch immer joot jegange.  
Beim Neno wörd anschließend ausgiebig gefiert,  
so manch ein Pirat sing Lever verspürt.  
Och bütze un danze mäht denne vill Spaß,  
Pirate us Dellbröck - die jeve voll Gas.  
Dä Fesch vum Verleihnix am Mittwoch dann  
kom bei denne Pirate richtig jood an.  
Dem Fesch dat Schwemme ze liehre, klor  
en massig Kölsch, wie ald jedes Johr.  
Doch bald schon jov et dä ätzte Knies,  
dä Kalle Piraten im Bösen verließ.  
Em Fröjohr dann  
trat dä neue Vorstand an.

Se möhte plane un arbeite vill  
för dat Piratenfes met Putespill.  
De üvrigen Pirate se ungerstütze däte,  
dat dat Fes ald jot geräte.  
Manch eine jode Gedanke  
han sie dem Hunnen Dirk zu verdanke.  
He brachten sich och beim Aufbau in.  
So krähten se dä Plaaz jod hin.  
De Zelte un de Büdche stunnt,  
dat de Lück se zum luure und fiere besöken kunnt.  
Dä Himmel wor denne Pirate nit jod gesonne,  
von boven dät et schütte dat Trohne ronne.  
Kalt wor et, jov noch andere Fes,  
Ühr Fes trotzdem jod geräte es.  
Et woren nur ze winnig lück  
vör denne Pirate-Monetten-Jlöck.  
Hunnen, Wahner, Werner Clowns us Düx,  
ohne Pirate lief da nix.  
Nur denne Wetterpirate  
es deren Fes ja nit geräte.  
Se han et einfach afgesetzt,  
dat Wedder hatte denne zugesetzt.  
Zum Schürreskarrenrennen wie ald jedes Johr  
Piraten nahmen teil - janz klor.  
Dä Thomas baute de beste Kiss,  
dä Sieg denne Pirate nit ze nemme is.  
De Söck ävver spillten en afgekart Spill.  
En Duett vun denne jing als ätzte durchs Ziel.  
Em Frühherbst jov et fiese Klaf  
als Folge trat dat Elke aff.  
Et word persönlich angegriffe,  
geschangt un heftig anjepfiffe.  
Dat es en Schand nit zu verziehe,  
wie Pirate sich de Mul verdriehe.  
Dä Hans Muff mäht en bös Geseech:  
Pirat denkt sich - hä hät Räch.  
Mer hoffe, dat denne neue Lück  
erspart bliev solche Schurkenstück.  
Haloween in der 11.11. dann  
trecke uns Pirate an.  
Et wöd gefiert, geraucht, gesoffe,  
se han ald nette Lück getroffe.  
Dellbröcker Pirate däte jubiliere,  
se dürfe sich im Veedelszoch präsentiere.  
Pirate wöde sich zeije im staatse Gewand,  
Pirate us Dellbröck wäde in Kölle bekannt.  
Nun sollten se ävver ördentlich wiggerfiere  
un schön beim Muff und beim Gris vorbeidefilliere.,  
da jid et jet Söß miet Alkohol un jet för de Brus  
dä Sinter Klös jetzt jehen muss.  
Hä wünschen üch vill Spass un Freud,  
och wenn sich Zick nit reimt op Freud,  
ne ruhige, jode Weihnachtszeit.